

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ԵՐԵՎԱՆ ՔԱՂԱՔԻ ԱՎԱԳԱՆԻ

«___» _____ 2023թ.

N___-Ա

ՈՐՈՇՈՒՄ

ԱՆՀԱՏՈՒՅՑ ՕԳՏԱԳՈՐԾՄԱՆ ԻՐԱՎՈՒՆՔՈՎ ԳՈՒՅՔ ՏՐԱՄԱԴՐԵԼՈՒ ՄԱՍԻՆ

Ղեկավարվելով Երևան քաղաքի ավագանու 2022 թվականի դեկտեմբերի 27-ի «Երևան քաղաքի սեփականություն հանդիսացող գույքն օգտագործման տրամադրելու և օտարման 2023 թվականի ծրագրի վերաբերյալ» հ.694-Ն որոշմամբ հաստատված ծրագրի 3-րդ կետով՝

Երևան քաղաքի ավագանին որոշում է.

1. Երևան համայնքի սեփականություն հանդիսացող (անշարժ գույքի սեփականության /օգտագործման/ իրավունքի գրանցման 04.05.2011թ. հ.2772831 վկայական) Բաբաջանյան փողոցի հ.143/3 հասցեի գույքը (318.78քմ մակերեսով հողամաս և 279.5քմ մակերեսով շինություն) անհատույց օգտագործման իրավունքով, մինչև 2033 թվականի հուլիսի 1-ը ժամկետով տրամադրել ՀՀ կրթության, գիտության, մշակույթի և սպորտի նախարարության «Երևանի օլիմպիական մանկապատանեկան համալիր մարզադպրոց» ՊՈԱԿ-ին:

ԵՐԵՎԱՆԻ ՔԱՂԱՔԱՊԵՏԻ ԱՌԱՋԻՆ ՏԵՂԱԿԱԼ
ԵՐԵՎԱՆԻ ՔԱՂԱՔԱՊԵՏԻ ՊԱՇՏՈՆԱԿԱՏԱՐ

ԼԵՎՈՆ ՀՈՎՀԱՆՆԻՍՅԱՆ

ՏԵՂԵԿԱՆՔ-ՀԻՄՆԱՎՈՐՈՒՄ

«ԱՆՀԱՏՈՒՅՑ ՕԳՏԱԳՈՐԾՄԱՆ ԻՐԱՎՈՒՆՔՈՎ ԳՈՒՅՔ ՏՐԱՄԱԴՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՄԱՍԻՆ

Նախագծով նախատեսվում է Երևանի Բաբաջանյան փողոցի հ.143/3 հասցեի գույքը (318.78քմ մակերեսով հողամաս և 279.5քմ մակերեսով շինություն) անհատույց օգտագործման իրավունքով տրամադրել ՀՀ կրթության, գիտության, մշակույթի և սպորտի նախարարության «Երևանի օլիմպիական մանկապատանեկան համալիր մարզադպրոց» ՊՈԱԿ-ին:

Բաբաջանյան փողոցի հ.143/3 հասցեի գույքը (318.78քմ մակերեսով հողամաս և 279.5քմ մակերեսով շինություն) անշարժ գույքի սեփականության /օգտագործման/ իրավունքի գրանցման 04.05.2011թ. հ.2772831 վկայականի համաձայն հանդիսանում է Երևան համայնքի սեփականությունը:

Հայաստանի Հանրապետության կրթության, գիտության, մշակույթի և սպորտի նախարարը հ.01/31.3/2070-2022 գրությամբ միջնորդություն է ներկայացրել Երևանի քաղաքապետարան՝ խնդրելով աջակցել Ա.Բաբաջանյան 143/3 հասցեում գտնվող նախկին կաթսայատան տարածքը «Երևանի օլիմպիական մանկապատանեկան համալիր մարզադպրոց» ՊՈԱԿ-ին տրամադրելու հարցում՝ նշելով, որ Հայաստանի ազգային օլիմպիական կոմիտեի ըմբշամարտի մասնագիտացված սպորտդպրոց-հիմնարկը ստեղծվել է 2003 թվականի փետրվարի 10-ին, այնուհետև վերակազմակերպման արդյունքում ՀՀ կառավարության 2016 թվականի դեկտեմբերի 22-ի N 1331-Ա որոշմամբ ստեղծվել է Երևանի օլիմպիական մանկապատանեկան համալիր մարզադպրոցը: Մարզադպրոցի 24 մարզիչ-մանկավարժների 41 խմբերում մարզվում են 460 սան, որոնցից շատերը հանդիսանում են Հայաստանի Հանրապետության տարբեր տարիքային խմբերի հավաքական թիմերի անդամներ, ինչպես նաև աշխարհի և Եվրոպայի առաջնությունների հաղթողներ և մրցանակակիրներ, սակայն մարզադպրոցը մշտապես ունի մարզադահլիճների խնդիր, ինչի հետևանքով խաթարվում է մարզադպրոցի ուսումնամարզական գործընթացը: Քննարկվող Ա.Բաբաջանյան 143/3 հասցեում գտնվող նախկին կաթսայատան տարածքը նախատեսվում է վերակառուցել նոր և ժամանակակից, բարեկարգ պայմաններով հագեցած մարզադպրոցի:

Ա.Բաբաջանյան 143/3 հասցեում գտնվող տարածքը ՀՀ կրթության, գիտության, մշակույթի և սպորտի նախարարության «Երևանի օլիմպիական մանկապատանեկան համալիր մարզադպրոց» ՊՈԱԿ-ին տրամադրելու նպատակահարմարության հարցը քննարկվել է Երևան քաղաքի ավագանու «Իմ քայլը», «Բարգավաճ Հայաստան» և «Լույս» խմբակցությունների կողմից: Խմբակցությունների կողմից առարկություններ չեն ներկայացվել և հարցի վերաբերյալ տրվել են դրական դիրքորոշումներ:

Ելնելով վերը շարադրվածից, ինչպես նաև ղեկավարվելով 2022 թվականի դեկտեմբերի 27-ի «Երևան քաղաքի սեփականություն հանդիսացող գույքն օգտագործման տրամադրելու եվ օտարման 2023 թվականի ծրագրի վերաբերյալ» հ.694-Ն որոշմամբ հաստատված հավելվածի 3-րդ կետով՝ նախապատրաստվել է Երևան քաղաքի ավագանու սույն որոշման նախագիծը:

ԵՐԵՎԱՆԻ ՔԱՂԱՔԱՊԵՏԻ ԱՌԱՋԻՆ ՏԵՂԱԿԱԼ
ԵՐԵՎԱՆԻ ՔԱՂԱՔԱՊԵՏԻ ՊԱՇՏՈՆԱԿԱՏԱՐ

ԼԵՎՈՆ ՀՈՎՀԱՆՆԻՍՅԱՆ

ՏԵՂԵԿԱՆՔ

**«ԱՆՀԱՏՈՒՅՑ ՕԳՏԱԳՈՐԾՄԱՆ ԻՐԱՎՈՒՆՔՈՎ ԳՈՒՅՔ ՏՐԱՄԱԴՐԵԼՈՒ ՄԱՍԻՆ»
ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ
ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ
ԿԱՄ ԲԱՑԱԿԱՅՈՒԹՅԱՆ ՄԱՍԻՆ**

Երևան քաղաքի ավագանու «Անհատույց օգտագործման իրավունքով գույք տրամադրելու մասին» որոշման ընդունման առնչությամբ այլ իրավական ակտերի ընդունման անհրաժեշտություն չի առաջանում:

ԵՐԵՎԱՆԻ ՔԱՂԱՔԱՊԵՏԻ ԱՌԱՋԻՆ ՏԵՂԱԿԱԼ

ԵՐԵՎԱՆԻ ՔԱՂԱՔԱՊԵՏԻ ՊԱՇՏՈՆԱԿԱՏԱՐ

ԼԵՎՈՆ ՀՈՎՀԱՆՆԻՍՅԱՆ

ՏԵՂԵԿԱՆՔ

**«ԱՆՀԱՏՈՒՅՑ ՕԳՏԱԳՈՐԾՄԱՆ ԻՐԱՎՈՒՆՔՈՎ ԳՈՒՅՔ ՏՐԱՄԱԴՐԵԼՈՒ ՄԱՍԻՆ»
ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ
ԵՐԵՎԱՆԻ ԲՅՈՒՋԵԻ ԵԿԱՄՈՒՏՆԵՐՈՒՄ ԵՎ ԾԱԽՍԵՐՈՒՄ ՍՊԱՍՎԵԼԻՔ
ՓՈՓՈԽՈՒԹՅՈՒՆՆԵՐԻ ՄԱՍԻՆ**

Երևան քաղաքի ավագանու «Անհատույց օգտագործման իրավունքով գույք տրամադրելու մասին» որոշման նախագծի ընդունման կապակցությամբ Երևանի բյուջեի եկամուտներում և ծախսերում փոփոխություններ չեն առաջանում:

ԵՐԵՎԱՆԻ ՔԱՂԱՔԱՊԵՏԻ ԱՌԱՋԻՆ ՏԵՂԱԿԱԼ

ԵՐԵՎԱՆԻ ՔԱՂԱՔԱՊԵՏԻ ՊԱՇՏՈՆԱԿԱՏԱՐ

ԼԵՎՈՆ ՀՈՎՀԱՆՆԻՍՅԱՆ